



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Capitvla.

urn:nbn:de:hbz:466:1-14918

- VII. Vbi Augustinus episcopus cum Synodo Nicænum Concilium ser- uare promittit. IX. Vbi Synodus exemplaria Nicæni Concilii magis ab orientali- bus competenda decreuit.
- VIII. Vbi Faustinus episcopus, pro dubietate recitati capituli, Ro- X. Professio fidei Nicæni Concilii.

ANNO
CHRISTI
431

IN hoc Concilio actum est, vt Nicænum Concilium ab episcopis orientalibus peteretur, cui Synodo interfuit legatio ecclesiæ Romanæ, Faustinus episcopus, Philippus & Afellus presbyteri.

POST consulatum gloriosissimorū imperatorum Ho- norii XII. & Theodosii VIII. Augustorum, VIII. Ka- lendas Iunii, scripta hæc sunt Carthagine in secretario ba- silicæ Fausti, cum Aurelius papa vna cum Valentino pri- mæ sedis Numidiæ, & Faustino ecclesiæ Potentina, pri- mæ sedis, prouinciæ Italia, Piceni, legato ecclesiæ Ro- manæ, sed & legatis diuersarum prouinciarum Africana- rum, id est, Numidiarum duarum, Byzacenæ, Maurita- niæ Sitiphensis, & Mauritanæ Cæsariensis, sed & Tripo- lis, & Vincentio Culusitano, Fortunatiano & ceteris epi- scopis prouinciæ proconsularis ducentis decem & se- ptem, nec non Philippo & Afello presbyteris Romanæ ecclesiæ, cum confedisent, adstantibus diaconibus, Au- relius episcopus dixit:

CAPITVLA.

I.

POST diem præstitutam Concilii, vt recorda- mini, fratres carissimi, multa flagitata sunt, per expectantes fratres nostros, qui nunc ad præsen- tem Synodum legati aduenerunt, quæ gestis ne- cesse est consocientur. Qua de re Domino nostro de tantæ congregationis cœtu gratias referimus. Superest, vt tam exemplaria Nicæni Concilii, quæ nunc habemus, & a patribus constituta sunt, quam etiam hic a prædecessoribus nostris, eandem fir-

ANNO
CHRISTI
419.

mantes Synodum, vel quæ secundum eam formam per omnes clericorum gradus, a summo usque in vltimum, salubriter ordinata sunt, in medium proferantur. Ab vniuerso Concilio dictum est: Proferantur. Daniel notarius recitauit: Nicæni Concilii fidei professio vel statuta sic se habent.

II.

Et cum legisset, Faustinus episcopus plebis Potentinae prouinciæ Italiae, Piceni, legatus Romanæ ecclesiæ, dixit: Iniuncta nobis sunt a sede apostolica aliqua per scripturam, aliqua etiam in mandatis, cum vestra beatitudine tractanda, sicut & gestis superioribus meminimus. Hoc est, de Nicænis Canonibus, vt conferuentur, & * constitutio eorum, & consuetudo, quia aliqua ordine & Canone tenentur, aliqua consuetudine firmata sunt. De his ergo primitus, si placet beatitudini vestræ, tractemus: & postea cetera, quæ acta vel inchoata sunt, inserta firmabuntur, vt ad sedem apostolicam rescriptis vestris intimare possitis, atque nos vos admonuisse apud venerabilem papam euidenter pateat, licet & capitula actionum iam inserta sint gestis. De ipsis ergo, vt dictum est superius, quid vestræ beatitudini placeat, agere debemus. Veniat ergo ^h commonitorium in medium, vt scire possit vestra beatitudo, quid in eo contineatur, vt ad singula respondeatur.

* confi-
tura

III.

Aurelius episcopus dixit: Proferatur commonitorium, quod fratres & confacerdotes nostri in actis nuper allegauerunt, & cetera quæ acta sunt, vel

quæ agenda sunt subsequantur. Daniel notarius recitavit commonitorium: Fratri Faustino & filiis Philippo & Afello presbyteris, Zosimus episcopus: Vobis commissa negotia non latent. Vos ita ut nostra, imo quia nostra ibi in vobis præsentia est, cuncta peragite; maxime cum & hoc nostrum possitis habere mandatum, verba Canonum, quæ in pleniorum firmitatem huic commonitorio inserimus. Ita enim dixerunt, dilectissimi fratres, in Concilio Nicæno cum de episcoporum appellatione decernerent: ^k Placuit autem, ut si episcopus accusatus fuerit, & iudicauerint congregati episcopi regionis ipsius, & de gradu suo deiecerint eum, & appellasse episcopus videatur, & confugerit ad beatissimum ecclesiæ Romanæ episcopum, & voluerit audiri, & iustum putauerit, ut renouetur examen; scribere his episcopis dignetur, qui in finitima & propinqua provincia sunt, ut ipsi diligenter omnia requirant, & iuxta fidem veritatis definiant. Quod si is qui rogat causam suam iterum audiri, deprecatione sua mouerit episcopum Romanum, ut e latere suo presbyterum mittat, erit in potestate episcopi Romani, quid velit, & quid existimet. Et si decreuerit mittendos esse, qui præfentes cum episcopis iudicent, habentem auctoritatem eius, a quo destinati sunt, erit in suo arbitrio. Si vero crediderit sufficere episcopos, ut negotio terminum imponant, faciet quod sapientissimo consilio suo iudicauerit.

IV.

Et cum recitaret, Alypius episcopus Tagasten-

ANNO
 CHRISTI
 419.

sis legatus prouinciæ Numidiæ dixit: De hoc iam superioribus etiam literis Concilii nostri rescripsimus, & id nos seruaturos profiteamur, quod in Nicæno Concilio constitutum est. Adhuc tamen me mouet, quoniam cum inspiceremus Græca exemplaria huius Synodi Nicænæ, ista ibi, nescio qua ratione, minime inuenimus. Vnde petimus uenerationem tuam, sancte papa Aureli, ut quia hoc authenticum Concilium Nicænum in vrbe dicitur esse Constantinopolitana, aliquos cum scriptis suæ sanctitatis mittere digneris: & non solum ad ipsum sanctum fratrem nostrum Constantinopolitanum episcopum, sed etiam ad Alexandrinum & Antiochenum uenerabiles sacerdotes, qui hoc nobis Concilium cum subtipulatione literarum suarum dirigant, ut omnis postmodum ambiguitas auferatur: quia nos ita, ut frater Faustinus attulit, minime inuenimus. Ista nos tamen tantisper seruaturos, ut antea dixi, donec integra exemplaria ueniant, profiteamur. Petendus est autem literis nostris & uenerabilis ecclesiæ Romanæ episcopus Bonifacius, ut ipse quoque dignetur ad memoratas ecclesias aliquos mittere, qui eadem exemplaria prædicti Nicæni Concilii, secundum eius possint scripta proferre. Nunc autem memorati Concilii Nicæni qualia exemplaria habeamus, his gestis sociemus.

V.

Faustinus episcopus, legatus ecclesiæ Romanæ, dixit: Nec uestra sanctitas præiudicat ecclesiæ Romanæ, siue de hoc capitulo, siue de aliis, quia dice-

re dignatus est frater noster & coepiscopus Alypius, dubios esse Canones. Sed hæc ipsa ad sanctum & beatissimum papam nostrum scribere dignemini, ut & ipse integros Canones inquirens, cum vestra sanctitate de omnibus constitutis tractare possit. Sufficit autem, ut & ipse beatissimus episcopus urbis Romæ, sicuti vestra sanctitas apud se tractat, ita & ipse inquireat, ne contentio inter ecclesias nasci videatur: sed magis caritate fraterna deliberare possitis, ipso rescribente, quid melius obseruari debeat. Aurelius episcopus dixit: Præter ista, quæ promissimus actis, necesse est, ut etiam nostræ paruitatis literis, sancto fratri & confacerdoti nostro Bonifacio singula, quæ tractamus, plenissime intimumus. Ergo si omnibus placet prosecutio nostra, ore omnium condiscamus. Vniuersum Concilium dixit: Placet:

VI.

Nouatus episcopus, legatus Mauritanie Siphensis, dixit: Nunc meminimus, in hoc præfenti commonitorio lecto, etiam de presbyteris siue diaconibus contineri, qualiter ab episcopis suis vel a finitimis audiri debeant, quod in Nicæno Concilio minime legimus: unde hoc ipsum iubeat sanctitas vestra nobis recitari. Aurelius episcopus dixit: Recitetur ad locum etiam hoc quod deposcitur. Daniel notarius recitauit: De appellationibus autem clericorum, id est, minoris loci, restat ipsius Synodi certa responsio. De qua re, quid acturi sitis, credimus inferendum, quod taliter dictum est ex Sardicensi Concilio. Osius episcopus dixit: Quid

me adhuc moueat, reticere non debeo. Si episcopus forte iracundus (quod esse non debet) cito aut aspere commoueat aduersus presbyterum siue diaconum suum, & exterminare eum de ecclesia voluerit, prouidendum est, ne innocens damnetur, aut perdat communionem. Et ideo habeat potestatem eiectus, vt finitimos interpellet episcopos, vt causam suam audiant, & diligenter tractent, quia non oportet negari audientiam roganti. Et ille episcopus, qui aut iuste, aut iniuste eum eiecit, patienter accipiat, vt negotium discutiatur, * aut probeatur eius, aut emendetur sententia, &c.

VII.

Cumque recitaretur, Augustinus ecclesie Hipponis Regiensis, legatus prouincie Numidie dixit: Et hoc nos seruaturos profiteamur, salua diligentiore inquisitione Concilii Niceni. Aurelius episcopus dixit: Si hoc etiam omnium vestre caritati placet, responsione firmate. Vniuersum Concilium dixit: Omnia que in Niceno Concilio statuta sunt, nobis omnibus placent. Iocundus episcopus ecclesie Suffetule, legatus prouincie Byzacenae, dixit: Quod constitutum est in Niceno Concilio, violari a quoquam nullatenus potest.

VIII.

Faustinus episcopus, legatus ecclesie Romanae, dixit: Adhuc secundum professionem sanctitatis vestre, tam sancti Alypii, quam & fratris nostri Iocundi, aliqua infirmari credo, aliqua firmari debeant, cum iam in dubium ipsi Canones venerint. Ergo, vt placet & nobis & beatitudini vestre, ad

sanctum & venerabilem ecclesiæ Romanæ Bonifacium episcopum, vestra * scribere dignetur sanctitas, vt & ipse, quod S. Augustinus statuere dignatus est, deliberare possit, vtrumnam & hoc concedendum sit, an reticendum, hoc est, de appellationibus inferioris gradus. Si ergo adhuc in dubium venit de hoc capitulo, iustum est, vt beatissimæ Romanæ sedis episcopus informari debeat, si tamen in approbatis Canonibus hoc inueniri possit.

IX.

Aurelius episcopus dixit : Etiam, quæ dudum vestræ caritati intimauius, nunc patimini exemplaria statutorum Nicæni Concilii, sed & quæ hic salubriter a nostris decessoribus, secundum eiusdem Concilii normam, formata sunt, vel quæ nunc ordinata sunt, a nobis recitari, & gestis inferi. Omne Concilium dixit : Exemplaria fidei & statuta Nicenæ Synodi, quæ ad nostrum Concilium per beatæ recordationis, olim prædecessorem tuæ sanctitatis, (qui interfuit) Cæcilianum episcopum allata sunt, sed & quæ patres, ea exemplaria sequentes, hic constituerunt, vel nunc communi tractatu statuimus, his gestis ecclesiasticis inserta manebunt, * ita (vt superius dictum est) venerabilibus viris Antiochenæ & Alexandrinæ, sed & Constantinopolitanæ ecclesiarum episcopis, scribere vestra beatitudo dignetur, vt exemplaria verissima Concilii Nicæni sub astipulatione literarum suarum dirigant; quo, declarata veritate, ea capitula, quæ in commonitorio præsens frater & coepiscopus noster

ANNO
CHRISTI
419.
* refertur

* for. ita
vt. appen-
admitti
superius.

ster Faustinus & compresbyteri Philippus & A-
fellus secum attulerunt, aut ibidem reperta, a nobis
firmabuntur: aut si non inueniuntur, collecta Sy-
nodo, de hoc in sequenti tractabimus. Daniel no-
tarius Nicæni Concilii professionem fidei vel e-
ius statuta recitauit in Concilio Africano.

SYMBOLVM NICÆNVM.

X.

Credimus in vnum Deum, Patrem omnipo-
tentem, omnium visibilium & inuisibilium condi-
torem. Et in vnum dominum Iesum Christum, fi-
lium Dei, natum de Patre, vnigenitum, hoc est,
de substantia patris, Deum de Deo, lumen de lu-
mine, Deum verum de Deo vero, natum, non fa-
ctum, vnus substantiæ cum Patre, quod Græci di-
cunt ὁμοούσιον, per quem omnia facta sunt, siue quæ
* in cælis, siue quæ in * terris. Qui propter nos ho-
mines, & propter nostram salutem, descendit, &
incarnatus est de Spiritu sancto, & homo factus,
passus est, & resurrexit tertia die. Ascendit in cæ-
los, sedet ad dexteram Patris, inde venturus iudi-
care viuos & mortuos. Et in Spiritum sanctum.
Eos autem qui dicunt, Erat, quando non erat:
& Priusquam nasceretur, non erat: & Quia ex nul-
lis existentibus factus est, vel ex alia substantia, vel
natura, dicentes mutabilem & conuertibilem fi-
lium Dei; hos anathematizat catholica & apostoli-
ca ecclesia.

* celo,
* terra.